


刑部 諸盜二 諸盜三 詐偽



刑部卷之十二

諸盜二

掏摸

典章五十



年幼掏摸刺斷中書兵刑部為至元十一年五月捉獲到  
掏摸鈔賊人王合住齊丑臉責得各一十四歲同情于木  
塔寺前掏摸訖賣麵事主鈔五錢又於楊和門裏偷訖事  
主鈔四兩被捉罪犯呈奉 都堂鈞旨依理刺斷施行  
掏摸鈔袋賊人刺斷大德元年六月江西行省據撫州路  
申袁慶告大德元年四月二十一日將帶至元鈔二貫文  
一十張前去桐林嶺收買段子至拘闌前被軍丁李萬一



拘摸訖前項鈔兩約會錄事司追問得李萬一招指係同黃舍查黎壬查拘摸訖表慶至元鈔該中統二定內除分與黃舍查黎壬查至元鈔一貫文及有一般軍丁伍茂張聖保等趕起需求勒分訖至元鈔八貫文餘上鈔一十四貫准中統鈔一定二十兩係萬一入已是實黃舍查黎壬查招伏相同本路議擬黃舍查黎壬查二名俱係一定之下罪名先將各人刺字外決訖五十七下李萬一所招係一定之上罪名申乞照詳明降刺斷省府照得即與斷遇偷盜官布賊人趙春二定之上罪名死異合下仰將李萬一項刺切盜一度決杖六十七下奉此

惜藥摸鈔斷例大德十一年六月行臺准

御史臺咨據

監察御史呈照刷出都省右司刑房大德九年上半年文卷內一件李廣志藥吳仲一李廣志明招摘取蔓苳蘿單麻子收留已後修合惜人摸鈔使用大德七年十二月十七日起意買到葷麵一分將九成蔓苳蘿單麻子藥丸搥碎麵內令吳仲一喫用昏迷不省捧同行至東湖畔空野處將吳仲一絹袋用刀子割斷盜訖中統鈔五定二十五兩刑部擬依切盜似有未盡原其罪犯合從強盜論罪然係通例宜令合干部分再行定擬相應具呈照詳得此奉中書省劄付送刑部議得李廣志所犯用惜藥令吳仲一



食用割取鈔定情罪既已照依切盜呈准刺放又係大德  
十年十二月十八日欽遇

聖旨分揀放罪囚已前事理別難定奪今後似此賊徒若于飲  
食內加藥令人迷謬而取其財者合從強盜法論罪相應  
都省准呈施行

白晝歐打搶摸鈔兩皇慶元年五月 日福建宣慰司承  
奉 江浙行省劄付近據杭州路申為席驢兒先會偷盜  
銅錢經斷刺臂再行糾合顏孫兒等于街衢白晝將繆喜  
等用拳打傷搶摸鈔兩罪輕釋免若以比附強盜持杖劫  
物傷人刺字恐涉大重咨請照詳准此送刑部議得江浙

行省咨賊人席驢兒先犯偷銅錢已經刺斷今次雖復糾  
合彥孫兒張驢兒白晝于街上將繆喜等羅織開歐搶摸  
鈔兩罪遇釋免叅詳席驢兒等所犯既非持杖施威強劫  
民財難同強盜定論合咨行省照勘如已招明白比依切  
盜刺字相應具呈照詳 都省准呈咨請依上施行



搶奪

巡軍奪鈔刺斷至元二十三年八月江西行省准 中書  
省咨來咨南康路申建昌縣巡軍張焦住狀招至元二十  
三年二月二十九日見顧同祖將贖田價鈔回還安下處  
焦住發意根隨顧同祖到大街死人處將本人拖入巷內  
偏處打訖兩拳奪訖鈔一百二十五兩罪犯本省看詳若  
依審斷罪囚官所擬比附強盜不傷事主刺斷緣所犯在  
分揀罪囚已前却該釋免但張焦住所招情犯頗重合死  
從輕量斷一百七下咨請定奪事都省議得賊人張焦住  
罪犯依准本省所擬市曹對象杖斷一百七下刺面配役



請依上施行

出征軍人搶奪比同強盜杖斷大德六年二月日江西  
行省准 中書省咨來咨瑞州路高安縣民戶素德善等  
告雲南軍人羅八等一千餘人乎執刀及棍棒打傷老小  
搶劫錢物公事取到犯人羅八名俊等各各招詞看詳羅  
俊等元係起補雲南軍人始因托散嚇取百姓錢物後長  
愚意白晝強劫打傷若同殺傷事主定擬却緣

詔書已前止招持杖強劫民財詳情擬合將各人杖斷一百  
七下刺訖發付雲南應充軍役咨請照詳准此都省議得  
羅俊等所犯若依行省所擬刺斷緣係雲南出征軍人擬

將各人比同強盜免刺杖斷訖發付雲南出軍咨請依上  
施行



拐帶

奴拐主財不刺配至元十二年十一月中書兵刑部據大都路申逃驅王再興狀招不合拐帶本使溫署令錢物罪犯蒙審斷罪囚官議得王再興所犯偷拐本使錢物同賊一般發付密場配役除將本人權行發下居役外乞照詳事省部議得王再興所犯即係奴拐主財如主人求免即聽難同偷盜他人財物擬量情斷決分付本主今有審囚官擬斷配役為此呈奉到都堂鈞旨依准本部所呈奉此

放火

放火烧死人至元五年河間路歸問得高奴廝狀招至元五年正月二十三日挾讎與弟高念奴各騎馬匹前去劉垵子村將火苳於趙妮子北屋草圍燒訖本人房物併燒死九歲小女兒一个罪犯法司擬舊例故燒私家舍宅者絞又燒死九歲小女兒一个舊例以故殺傷人者斬二罪從重合行處死仍追燒埋銀給付吾主部擬呈省斷訖父首子燒人房舍洛哀州申加詳縣王祚狀告三月二十日夜二更被人燒訖草屋三間有楊青自行鎖縛伊男楊買兒到官問得招伏挾恨舊讎燒訖王祚無人居止草房



三間其物等已估鈔二十九兩八錢二分除楊買見收禁  
徵贓外乞照詳事法司擬議得楊買見所招即係故燒私  
家無人居止房舍事理舊例故燒私家舍宅者絞若無人  
居止但損害財物畜產者徒五年贓滿二十貫亦絞所燒  
屋舍價值二十餘貫即與強盜二十貫相似舊例強盜二  
十貫絞罪依中書省已斷強盜滿法不曾傷人体例合杖  
一百七下今被楊青捉拿到官依舊例合理受法舊例若  
於法許相容隱者為首及相告言者各所如罪人身自首  
法舊例犯罪未發而自首者原其罪正贓猶

申相度谷得成所犯即係故燒田場積垛之物例同強盜  
合下仰照驗依犯時月日估計追陪給主施行

放火賊人例至大元年七月行臺准 御史臺咨承奉

中書省劄付刑部呈備恩州賊人馬閏住狀招不合挾讎  
於大德十一年十二月夜五更前後掏火於姑舅叔朱善  
兒東草屋東簷底行燒着事主知覺救滅罪犯是實除將  
馬閏住依例免刺比附強盜不曾傷人不得財例杖斷  
七十七下外據徒配一節若便發遣合屬居役終非正犯  
又兼賊人馬閏住係事主朱善兒表姪切恐差他本部議  
得今後諸人放火故燒官房廳宇私宅舍比同強盜無人  
居止空房并損壞財物畜產及田場積聚之物比同切盜  
照依大德五年



奏准盜賊通例計贓斷配免刺追陪燒毀物價捕盜官兵一  
体定立罪賞外據馬閨住所犯雖是朱善現表姪以卑犯  
尊合同凡人定論擬合比例徒一年緣為事干通例如蒙  
准呈通行相應具呈照詳都省准擬依上施行

放火賊人皇慶二年四月江西行省准 中書省咨刑部  
呈奉省判本部元呈山東宣慰司閔益都路脩樂安縣申  
解到放火賊人盧千見責得本賊狀招因事主張林阻隔  
男婦張二嫂不得行奸挾恨將張林草房燒毀被捉到官  
另行議罪外為此本部議得諸放火賊徒或因公讎或  
挾私怨乘風舉火故燒官府解宇或私家宅舍田場積聚

之物縱有知覺使人无所措手既不能向前救獲整家所  
有盡為一空甚有致傷人命以此參詳今後若有故燒官  
府解宇有人居止宅舍賊人死問舍宇大小財物多寡比  
同強盜免刺決一百七下徒役三年因而殺傷人者依例  
科斷其无人居止空房并損壞財物及田場積聚之物比  
同切盜免刺驗贓依例決遣居役仍各追陪所燒物價敢  
有再犯決配役滿遠徙千里之外如此則庶使賊徒知所  
警懼如蒙准呈通行照會都省咨請依上施行



發塚

發塚賊人刺斷大德六年江浙行省准據浙東道呈慶元路羅君求被掘墳墓公事獲到賊人王季三等取訖招伏追勦間欽遇

詔恩除將賊人王季三發下合屬追駐聽候外據刺字一節乞明降為此移准中書省咨送刑部照擬回呈雖是此依強盜科斷緣為正犯既遇

詔恩合咨行省欽依施行具呈照詳都省照得先欽奉

聖旨條畫節該盜賊雖會

赦仍刺字除欽遵外議得賊人王季三發塚開棺盜訖金銀



等物既是例比盜賊科斷擬合刺字除外咨請照驗施行  
禁治子孫發塚大德七年三月十六日江西行省准  
中書省咨臨江路脩新淦州申知州曹奉訓閔休知諸人  
子孫多有發掘出父祖墳墓棺屍將地穴出賣等事又准  
本路達魯花赤札忽見歹中中議閔亦知本路士民之家  
止圖利己莫恤祖宗徃徃聽信野師俗巫妄以風水誑惑  
曰某山強則某支富某水弱則某支貧或曰茲山死野鳥  
之似安得出一品之貴又曰茲山死倉庫之似安得致千  
金之富于見有一墓屢遷而不已者又有子孫不肖貧窮  
不能固守從而墮師巫之誘但圖多取價鈔掘墓出賣剖

分者有之其富稅之家貧圖風水用錢買誘使之改掘出  
賣者有之又圖葬埋之金銀破祖宗之棺槨并骸骨於水  
火者有之本省看詳比及江西風俗僥薄為人後者不務  
勤儉破蕩財產及至貧乏不自咎責反謂先塋風水不利  
所致遂乃聽信師巫誑惑豪強利誘發掘祖先墳墓遷移  
骸骨高價貨賣穴地不仁不孝情罪非輕即今事發到官  
者甚衆若不明定嚴刑以示禁戒切恐愚民公襲視以為  
常緣係為例事理請定奪事送刑部議得劫墓賊徒發塚  
開棺毀屍者已有斷例其為人子孫或因貧困或信師巫  
說誘發掘祖宗墳塚盜取財物貨賣塋地者驗所犯輕重



斷罪移弃屍骸不為祭祀者合同惡逆結案買地人等知情者減犯人罪二等科斷元價沒官不知情者臨事詳決有司不得出給貨賣墳地公據依理遷葬者不拘此例如蒙准擬移咨行省嚴切禁治今後敢有違犯依上追斷相應都省准呈咨請禁治施行

盜掘祖宗墳墓財物皇慶元年七月袁州路奉江西行省劄付近據吉州路申至大三年十月二十六日廬陵縣申慰司牒周如京告七月二十九日被賊掘開伊祖周左藏墳墓盜訖金銀等事獲到賊人周九一月卿到官問得招伏先為家貧掘伐祖妣沈氏墳墓事發斷訖八十七下

又行記憶元葬姑婆周氏小娘墳墓內亦有金銀器皿討合曾層二前去掘伐不成再行討合曾層二劉千三朱華一于至大三年七月十九日夜各執鑿頭前去鋤掘周左藏墳墓成窟用手搨檢得銀唾盃等一十二件及黑漆犀皮鏡匣等物不曾移動骸骨常用布袋兜盛掘到銀器回到朱華一屋後拜記二十一兩五錢內分受得銀唾盃匙筒茶盞橐子嗽盃五件將銀香爐盞橐子匙筋甜

瓜水餅七件分付朱華一收接典賣鈔兩有朱華一自將至元鈔三十兩而劉千三曾層二分用是實曾層二劉千三朱華一招狀相同推問問欽遇釋免若比切盜例將周



月卿准親屬相盜免刺外據同徒從賊曾層二等若擬刺字却緣首賊既已免刺未敢懸便申乞明降得此議得周九一三次盜掘祖宗墳墓偷取祭器金銀事干惡逆難與親屬相盜之比雖是犯在

格前合將首從賊徒一例刺字相應移准 中書省咨送據刑部呈議得周九一月卿所招不合為首糾合朱華一劉千三曾層二將伯祖周左藏墳墓掘開于尸首返盜訖金銀器用分張破用雖是不曾遺弃体骨其本賊即係周氏的派族孫三次偷掘祖宗墳墓劫取財物原其所犯滅絕天彝情理深重幸遇釋免以此參許比例合同凡人強盜

刺字既犯惡逆難令復居故土遷徙遼陽肇州屯種相應具呈照詳都省咨請依上施行

子隨父發塚刺斷皇慶二年四月 日福建宣慰司承奉

江浙行省劄付准 中書省咨寧國路申太平縣胡長壽

告姚德勝與男姚富併義姪方應榮掘發胡州判墳墓開棺盜訖銀子等物取訖各各招詞除將姚財勝方應榮依例刺斷居役外據姚富若比強盜從賊例斷終是聽從父命事干通例咨請定奪此准送刑部呈議得姚富所招不合隨父姚德勝與方應榮掘發胡州判墳墓開棺盜訖銀子等物數內姚富與伊父姚德勝分訖二分除首賊姚德



勝從賊方應榮刺断居役外茶詳姚富所犯若以子聽父  
命量免刺配却緣姚富終與伊父姚德勝分受贓物明白  
罪遇原免合同首從定論依例刺字收訖警跡相應具呈  
照詳得此咨請依上施行三月初九日路吏沈昱奉令史張必達承行二月廿七日札付  
禁子孫塚賣祖宗墳塋樹木皇慶二年六月江西行省准  
中書省咨皇慶二年三月十八日

崇天門外章閭平章張平章等官人每根底也奴副樞傳奉  
聖旨百姓每的子孫每將祖宗的墳塋并樹木賣與人的也有  
更塚了骨殖將墳塋賣了人的也有今後賣的買的和并牙人  
每根底要罪過遍行文書禁断者麼道傳

聖旨來欽此都省咨請欽依施行



刑部卷之十三

諸盜三

防盜

典章五十一

設置巡防弓手中統五年八月初四日欽奉

聖旨道與中書省在先遇有失盜其各管府司為無罪賞並不  
嚴行根緝三月不獲便令本處人陪償這般体例今後革  
罷再休行者仰照依立定罪賞設置巡捕弓手防禁捕  
捉盜賊條格遍行諸路一体施行內一款隨州府驛路置  
巡馬及馬步弓手驗民戶多寡定立額數除本管頭目外  
本處長官兼充提控官其夜禁之法一更三點鐘聲絕禁



人行五更三點鐘聲動聽人行者有公事急速喪病產育不在此限

違者笞二十七下有官者笞一下准贖元寶鈔一貫州縣城子相離寫遠去處其間五七十里所有村店及二十戶以上者設巡防弓手合用器仗必須備足令本縣長官提控若不及二十戶者依數差補若無村店去處或五七十里創立聚落店舍亦須要及二十戶數其巡軍另設不在戶數之內關津渡口必當設置店舍弓手去處不在五七十里之限若沿邊州縣及相去地里寫遠去處從行省就便定奪於本路不以是何投下當差戶計及軍站人匠打捕鷹房幹脫密治諸色人等內每一百戶內取中戶一名

充役與免本戶合着差發其當戶推到合該差發數目却于九十九戶內均攤若有失盜勒令當該弓手立定三限收捕每限一月如限內不獲其捕盜官強盜停俸兩月切盜一月外弓手如一月不獲強盜的決一十七下切盜七下兩月不獲強盜再決二十七下切盜一十七下三月不獲者強盜再決三十七下切盜二十七下如限內獲賊數及一半全免本罪又中書省劄付該先欽奉

聖旨節文州府驛路設置巡防弓手不以是何戶計諸色人等每一百戶內取中戶一名充役其本戶合當差發却于九十九戶內均攤欽此



已經遍下外今未講究得隨路戶數多寡不同兼軍站等戶不該差發似難均攤今斟酌京府州縣合用人數止用本處當包銀絲綿并正納包銀戶計每一百戶選差中戶一名當役據本戶合該差發稅銀却令九十九戶包納似為長便外中都巡軍擬于侍衛親軍內摘差四百戶與元設巡軍一處應役至元三年 月十三日聞奏過奉

聖旨依着恁商量的行者欽此

路人驗引放行中統五年八月初四日欽奉

聖旨條畫內一款諸幹脫商賈凡行路之人先于見住處司縣官司其狀召保給公憑方許他處勾當若公引限滿其公

事未畢依所在倒給如管民管軍官并其餘諸投下人員

若無上司文面勾喚欲往他處勾當亦聽以次人于本處

官司告給文引經過關津渡口驗此放行經司縣呈押無如

司縣于尉司或巡檢呈押無公引者並不得安下遇宿止店戶亦驗引

明附店歷每上下半月違者止理見發之家管二十七下

商賈于店止宿中統五年八月初四日欽奉

聖旨條畫內一款往來客旅幹脫商賈及賣擊財物之人必須

于村店設立巡防弓手去處止宿其間若有失盜勒令本

處巡防弓手立限根捉如不獲者依上斷罪若客旅幹脫

商賈人等却于村店無巡防弓手去處止宿如值失盜並



不在追捕之限

至元防盜新格 三款 諸管軍官職當鎮守其要盜賊不生

管民官職當撫治其要安靜不擾今後行省行院凡于所

屬若管民官撫治不到以致百姓逃亡管軍官鎮守不嚴

以致盜賊滋盛即須審其所由依理究

又諸行院到任取會所管地分見有草賊起數相其事宜

嚴論諸處軍官各使鎮守有法招捕得宜期于盜息而已

仍將見有起數先行報院今後每季具已未招捕起數并

有無續生賊人咨院呈省

又諸草賊招捕既平之後仍須區處得宜防備周密嚴責

合于官司常令用心毋致疎失

社長覺察非違大德七年十月 江西行省准 中書省

咨御史臺呈山東道廉訪司申講究到防禁便益送刑部

議得到各項事理都省逐一區處咨請依上施行內一項

隨處地境寬遠弓兵數少不能遍歷巡警致有游手好閑

弃本逐末懶惰之徒乘此饑年糾合為盜若令所在官司

每社長立保甲此等之人出入動作常切遮相覺察無使

為非如有違犯罪及保甲亦為防盜之一端也本部會驗

欽奉

聖旨條畫內一款諸縣所屬村疇 見勸農立社事 不致惰廢別



設當差主首勿令社長兼掛若有不務本業游手趨末好  
閑從懶之人先從社長教訓務勤本業如不聽教訓依舊  
游手逐末好閑從本社長每月具姓名作何游手趨末好  
閑申覆本司縣季申本路每上下半年申部呈省如終不  
循服者別行差設雖已有申姓名本人自悔改作務勤生  
業赴社長出首其社長聚眾詢問是實然後復社長仍申  
本司縣照知欽此議得隨處已有設置社長若另編排保  
甲誠恐動搖擬合欽依

聖旨事意令社長不管餘事專一勸課農桑照管社內之人務  
勤本業若有游蕩之徒常切覺察恐令別作非違如有是

失覺察敢有人戶違犯者驗輕重將社長責罰相應前件  
依准部擬仍通行合屬出榜各社曉諭禁約

關防倉庫盜賊大德七年正月行臺准御史臺咨承奉

中書省劄付刑部呈右八作司被盜靴隻督勒兵馬司捉  
賊仍取到圍宿軍官軍人防禁不嚴并八作司官守宿人  
等有失覺察各各招伏稟奉 都堂鈞旨除八作司正官  
寄罪軍官程泰擬決三十七下年老贖罪軍人崔平等五  
名各決三十七下守宿司庫燕只奇決一十七下今後倉  
庫如何關防盜賊本部議得八作司屢經被盜蓋因每日  
支納諸物烏雜人眾提舉司與圍宿軍官不設防禁賊人



咨意出入視物易取此生盜之源也若立法防禁以脩不虞乃古今不易之制參詳八作司除正門外周圍院牆築打高厚其牆上裏外多用棘針榑查使賊人不能上下出入將類物教門壁飾用磚壘砌門窗鎖鑰堅牢據應收到荆推棹羅箱櫃栲栳席簞似此可以藏賊之物不許露地類放亦合令蓋教房收貯封鎖門戶每日收支諸物令把門軍官軍人用心閔防出入搜檢毋致夾帶每至日暮八正司正官親將教門封鎖司官司庫合干人等與圍宿軍官軍人眼同院內教外子細搜巡別無停藏人軍官親驗教門鎖訖然後俱出仍置又歷開寫搜巡司官軍官人等

花名畫字反封鎖正門畢將應有鎖匙與搜巡文歷一處用厘封鎖依例八作司提舉收管至晚本司正官一員與司庫合干人各一名輪番守宿當該圍宿軍官號令軍人坐鋪知更提鈴擊柝相繼巡警不絕若于何處先覺于內有賊此鋪軍人隨時遍報餘鋪相接擊柝各執軍器把守圍遶至明本司官人等與軍官軍人驗封開門同入捉賊如獲賊徒隨即發付兵馬司追問若是軍官司官人等搜尋不嚴藏下賊人當該軍官司官人等比依捕捉不獲切盜中限例俱各斷罪如不獲賊均培所盜官物若賊踰牆而入盜訖官物者本處坐鋪軍人照依不獲切盜限末限



例斷罪如不獲罪追陪所盜物貨再犯加一等軍官初犯  
罰俸一月再犯的決一十七下若有強劫倉庫賊人依不  
獲強盜例將軍官軍人俱各斷罪仍令兵馬司依例責限  
捉賊其餘倉庫一体施行相應都省准擬另行外仰照驗  
施行

捕盜

斷例免罪罰俸七下一十七二十七三十七五十七

捕盜

限內獲 限內不獲  
賊數及 強盜罰兩  
一月切盜罰  
一半者 一月

弓手一  
月不獲  
切盜決

弓手兩月不獲  
獲強盜再決  
弓手兩月不獲  
弓手三月不獲  
獲切盜再決

弓手三  
月不獲  
強盜決

盜賊不

即救捕

巡捕失

遇盜賊

職官受

財放賊

長官以 捕盜官決 一起職官已  
解見任別 招欽遇  
下決 行求仕 詔赦罷役除  
名不叙

罷役 決

欽遇

赦恩除名不叙

弓手受 罷役追贓沒

財放賊 決一百七下



錄事司巡捕事至元八年二月二十四日刑部奉 省劄  
來呈北京路總府脩錄事司兼捕盜所申照得各縣俱有  
巡尉惟錄事司兼管捕盜遇有失過盜賊依限不獲即不  
見合停錄事或錄判俸給體例呈乞照詳為此送吏部議  
擬得隨路錄事司元奉 中書省劄付止令錄事司捕盜  
別無擬定何員兼管明文蓋為錄事司人煙湊集去處遇  
夜必須司官親行巡防難同簿尉時復于村鎮巡捕若准  
法司比擬下縣體例專令錄判獨員兼管似為偏重擬合  
令錄事司官輪番巡捕遇有失盜止坐巡捕官員乞照詳  
省府准擬仰依奉施行

縣尉巡檢巡捕至元十八年二月 中書刑部近據汝州  
申奉山東山西道提刑按察司指揮據朝城縣尉王顛呈  
在先上司文字不令縣尉與本縣署押文字今次巡尉人  
員却與管民官一体輪番押付有妨捕盜乞照詳事得此  
省部照得先欽奉

聖旨條畫節該捕盜官員專一巡捕盜賊不得別行差占欽此  
議得巡捕人員除下州判主簿兼尉與管民官通行署事  
別无定奪外據縣尉巡檢既是不與管民官一同畫字勾  
當擬合令各官依上專一巡捕似為相應呈奉到 都堂  
鈞旨准呈送本部依上施行



軍民官一同巡禁至元二十年十一月二十一日 行省  
據建昌路申見切本路所轄縣分遇有失盜將該盜捕官  
弓手依例責罰外據錄事司官審輪審巡捕遇有失盜止  
坐當巡官員緣江南新附城池俱有鎮守營軍衙門難同  
腹裏路分管軍頭目日夜差撥頭目軍人等守把街巷禁  
鐘之後往來巡緝其錄事司不曾巡禁亦無所設弓手倘  
有失盜去處理宜着落鎮守軍官若止依舊例責罰錄事  
司官豈不虛負府司看詳遇夜若令錄事司與管軍頭目  
答配一同將領弓兵往來巡捕如有失盜不獲賊人驗當  
該官軍弓手一体斷罰似不至臨時推諉乞照詳省府議

得各路州縣多有把城軍人巡禁若不令管民官一同勾  
當誠恐中間作弊擬令管民官遇夜將巡弓兵與管軍頭  
目一同巡禁若有失盜恐招巡軍弓手責限根捉不獲一  
体斷罪巡捕官并管巡軍頭目依例責罰仰依上施行  
御史臺咨至元二十二年十月二十一日日本臺官

奏過字羅歡說將來在先省官每軍民一處管着時分賊每  
生發呵守城底軍官每管民官每商量了拿有來如今行  
院官人每設有百姓動彈呵俺軍官每識也者做賊說謊  
底生發呵管民官捉拿者道有蠻子田地裏賊每少呵一  
二百一千也到有拿賊底每氣力短少呵看着到損着百



姓賊生發呵守城底軍官每和管民官一處捉拿呵怎生  
麼道奏可奉

聖旨特似有体例一般商量者欽此十月二十八日與 中書  
省官樞密院官本臺官議得切盜捕盜官捕捉強盜鎮守  
官一同捕捉本臺除已具呈 中書省并移咨樞密院照  
驗外咨請依上施行  
州判兼管捕盜皇慶元年八月 福建宣慰司承奉 江  
浙行省劄付准 中書省省掾高蕭承行皇慶元年三月  
二十七日咨文黃岩州判李鑑告兼捕盜台州路遠例差  
遣照得一州之中額設判官二員通管州事止是輪流捕

盜即與縣尉巡檢職專巡捕不同合无一体事關通例咨  
請照詳送據刑部呈照得至元十九年二月濮州申奉山  
東東西道提刑按察司指揮據朝州縣尉王額呈在先上  
司文字不合縣尉與本縣署押文字今次巡尉人員却與  
管民官一体輪番押軍有妨捕盜申乞照驗得此本部照  
得先欽奉

聖旨條畫節該捕盜官員專一巡捕盜賊不得別差占欽此議  
得巡捕人員除州判主簿兼尉與管民官通行署事別无  
定奪外據縣尉巡檢既不與管民官送本部依上施行令  
承見奉本部議得州縣似為相應呈奉都堂鈞旨准呈送



本部依上施行外見承見奉本部議得州判兼管捕盜除額設一員去處雖與管民官通行署事若許餘事差占恐妨巡警合依呈准通例專一捕盜外見設判官二員州郡既是輪番兼管捕盜其不該巡捕月日依例輪差相應具呈照詳得此都省准擬咨請依上施行

弓手專一巡捕皇慶元年五月江西行省准 中書省咨

皇慶元年二月二十四日

奏通事內一件八剌脫因題奏有司官勾當裏差占自巡軍弓手的上頭巡禁的勾當怠慢了有今後有司官其餘勾當裏不得差占專一巡捕者麼道奏呵那般者麼道

聖旨了也欽此都省咨請欽依施行

盜賊許相首捕諸盜賊相聚初非同心或被嚇從或為誑誘其行省行院常須多出榜文許令自相首捕若始謀未行隨即告發或已相結聚能自捕獲者量其事功理賞元新格

捕盜勿以疆界諸盜賊生發當該地分人等速報應捕官司隨即追捕如必當會合鄰境者承報官司即須應期而坐併力捕逐勿以被疆此界為限違者究治至元新格  
添給巡捕弓箭大德七年正月江浙行省准 中書省咨  
松江府申本府合該捕盜弓箭別無見在照得近准中書



省咨各處捕盜官兵弓箭奏奉

聖旨路裏一十副散府州裏七副縣裏五副巡檢三副欽此  
詳各處捕盜弓箭未審合無官為給付唯復捕盜衙門自行置備咨請照詳送刑部照擬回呈照得大德三年五月承奉中書省劄付近為御河會通河道北自大都南抵江淮運運係官諸物富商客旅經行多有盜賊生發兩次差官脫思禿哈并札魯忽赤徹里等前詣各處講究到弭盜方畧致盜之源蓋因見設巡捕去處地里寫遠所設弓箭并官給弓箭數少處防頻併前去後空賊徒窺伺空隙往往懸帶弓箭執把軍器咨行出沒為盜其捕盜官兵猶空

手而拒刀劍元衣甲而禦箭鏃彼強我弱實難擒捕議得自大都李二寺迤南河南省管下歸德府界古宿于城沿河上下安置巡捕三十處元設一十五處剏添五處除拘該州縣一十一處內孰用已設州判縣尉八處東光任城清海三縣水洛驛程元投簿尉今改主簿添設縣尉專一巡防外有一十九處舊設巡檢司革去改設巡防捕盜官色目漢兒人員從九品職合用弓箭勘酌相離遠近緊硬上至五十名或四十名三十名除見役外不敷者於各該州縣當差戶內差撥如更不敷隣近去處差取仍每處官給弓箭一十副從色目人員依例關防如遇差故其次



官依上施行捕盜正官亦許懸帶為此都省於大德三年四月二十三日奏江南不揀甚麼錢物來呵經申河道裡未有做買賣的也那河道裏行有為盜賊多的上頭去年皇帝根底奏了省裏臺裡也可札魯忽赤裏差人整治去未而今與理會的人每一處商量立三十處巡防捕盜衙門內有八處州判縣尉更有三處下縣主簿兼尉有主簿兼尉提調賊盜勾當呵耽誤民訟公事這三箇下縣裏添設縣尉呵怎生又革罷巡檢司刑設一十九處巡防捕盜衙門每處色目一員漢兒一員各委付兩箇人若這般設立呵弓手不敷有於附近百姓內差撥呵怎生又賊人每有執

把兵器這弓手每却無軍器每處給與一十副弓箭用着時執把者不用時各處色目人員提調收管者麼道商量未奏呵奉

聖旨那般者欽此都省除外合弓箭除就用減并巡檢司舊有外仰照驗不敷數目行移合屬官為應付施行今承見奉移准都省咨議得路府州縣巡防捕盜衙門懸帶弓箭已有定例各處巡檢每處量給三副咨請依上施行



獲盜

獲賊隨時解縣至元五年二月右三部會驗欽奉

聖旨條畫內一款節該諸府州司縣巡捕盜官捉獲賊人隨時發與本縣公廳推問是實解赴本州府再行鞫勘不得專委人吏弓手拷問

獲賊畧問即解至元二十年十二月欽奉

聖旨條畫論海北廣東道提刑按察司內一款節該捕盜人員如是獲賊畧問情由即便牒發本縣一同審問若死冤枉畫申本管上司擬令弓手專一捕盜巡防本管官員不得別行差占如違並仰糾察欽此



獲賊分付民官至元二十一年欽奉

聖旨節該中書省樞密院御史臺官人每四怯薛各主管公事各役下打捕鷹房等官人每先前扎魯花赤奏千戶百戶本投下每拿住做賊人每不經由城子裏達魯花赤管民官各投下頭目私下休和放了或強交斷了的多有為那上頭做賊的多了也今後若拿自賊吩咐與城子裏達魯花赤官人每與證見一處對證了斷呵百姓每根底有益做賊的也改去也這般奏上頭如今揀那阿誰但屬城子的人如拿住賊呵交本處達魯花赤官人每斷者如他每斷不定呵省裏呈說者這般宣諭了呵却私下休和斷

的人每有罪過者欽此

獲強切盜給賞中統五年八月初四欽奉

聖旨條畫內一款節該諸人告或捕獲強盜一名賞鈔五十貫切盜一名二十五貫應捕人告或捉獲強盜賞鈔比諸人減半犯人名下追徵犯人財產不及官司補支

又大德五年十二月二十六日

奏准條畫內一款云云見強切盜賊通例

獲賊給賞等第至元六年四月中書右三部近據博州等路各狀申管下司縣失過盜賊遠限不獲其捕盜官已是依例停俸弓手的決却有捉獲賊人合徵賞錢犯人家產



不及又有隻身貧難死可追徵不見是何錢內補支乞明  
降事為此呈奉中書省劄付照得先欽奉

聖旨節該

見巡捕條  
畫第二條

欽此公議得今後諸人告指并親獲賊人

者欽依支賞所據捕盜人員本境內如有失過盜賊却獲  
別境作過賊徒擬令比折除過謂如捉獲別境作過強盜  
或偽造交鈔二起各准本境內強盜一起無強盜者准切  
盜二起如獲切盜二起亦准強盜一起既是准折除過其  
賞不須給付如本境內別死失過起數但獲強切盜賊依  
上理賞若應捕人員承准事主及諸人告指捉獲不在除  
准理賞之限仰照驗施行

獲賊准過不給賞至元七年九月尚書刑部據東平府汶  
上縣張德林被盜訖賞鈔却獲別境蔡州作過偷馬賊人  
張德除已刺斷據獲賊准訖一半限次合無於本賊名下  
追徵賞錢事省劄照得先奉 中書省劄付據本界失過  
賊人却獲別境賊徒准折除過其賞不須給付緣隨路拿  
獲別境賊人准折除過止擬不須旌賞捕盜人員其此等  
賊徒即係一体作過之人若不追徵似有偏負以此公議  
追賞賊徒多有家貧無財可陪又無指定是何錢內補支  
據捕盜人員但有不獲賊人依例停罰其獲賊賞錢無可  
補支合无擬自今後如准過賊人名下依例追賞令各路



總管府置厯收貯如有獲賊不敷數目於此項錢內補支具呈 中書省依准所擬遍行所屬依上施行

別境獲賊准過捉事人旌賞至元九年七月 中書兵刑部據泰安州來申祇應庫被盜根捉賊人未到初限益都路錄事司捉獲正賊孫公惜若將捕盜官兵一例責罰未敢懸便乞明降事省部相度本境失過賊盜初限未滿已被別境捉獲正賊擬合除過外據獲賊名下合徵賞錢依例追徵給付捉事人收管呈奉都堂鈞旨准擬施行

捕獲強盜切賊准折功過大德六年十一月 中書省咨刑部呈冠州申近於大德六年四月初六日准本州捕盜

司隸軍戶元良弼狀告四月初五日夜被賊將臨街板踏門剗開入未鋪內偷訖鈔兩等物移牒本司督勒合捕弓兵捕賊未獲當月二十五日准本司牒該合捕弓兵捉到別境館縣作過盜訖本縣小管等驢畜等物賊人一起一名將乞驢准此依例歸勘外檢會到元奉省部舊例節該捕盜人員本境內如有失過盜賊却獲別境賊徒合准折除過如獲別境作過強盜或偽造寶鈔二起各准本境內強盜一起無強盜者准切盜一起如獲切盜二起亦准切盜一起又於大德六年四月內承准中書刑部符文并奉寶哥為頭也可札魯忽赤劄付連到盜賊斷例內一款諸



人告獲強盜

云云見強切盜通例

奉此除遵依外照得前項未獲切

盜一起初限已滿若將當捕弓兵依例斷決今限內捉獲

別境切盜一起若准前例功過相折却緣舊例如獲別境

切盜二起准本境切盜一起誠恐差池係以久為例事理

除已督勅捕盜官兵着緊緝捉正賊外乞照詳事得此照

得欽奉

聖旨條畫若有失盜全免本罪及諸人告或捕獲強盜一名賞

錢

云云

欽此省府擬得今後捕盜人員本境內如有失盜

盜賊却獲別境作過賊徒擬合比折除過謂如擬獲別境

作過強盜或偽造寶鈔二起各准本境內失過強盜一起

無強盜者准切盜二起如獲切盜二起亦准切盜一起既

是准折除過其賞不須給付如本境內別無失過起數但

獲強切盜賊依上理賞已下本部依上施行去訖本部看

詳隨處捕盜官兵捉獲強盜切賊擬合照依至元六年元

奉 都省定到本境失過盜賊捉獲別境作過賊徒例功

過相折數外理賞相應緣係通例具呈照詳都省准擬若

不遍行照會切恐在下官府不詳元行似此作疑耽悞官

事咨請依上施行

獲賊賞錢不賞官元貞二年八月准 中書省咨刑部呈

會驗欽奉



聖旨條畫內一款

見巡捕條畫

除欽遵外至元二十四年十二月濟

南路保申弓手張平節次捉獲強切盜賊五十四起前

尚書省擬充巡檢在後獲賊之人徃徃指例言告實碍通

例叅詳今後諸人獲賊擬合欽依給賞具呈照詳 都省

准呈除外咨請欽依施行

放支捕盜賞錢大德七年五月行省准 中書省咨該刑

部呈近承奉 中書省劄付大德五年十二月初六日奏

奉

聖旨條畫內一款節該諸人告獲強盜每名官給賞錢至元鈔

五十貫切盜二十五貫親獲者倍之欽此今據各處申稟

不見於是何官錢內放支本部議得隨處若有獲賊起數

照勘明白如無准折爭功之人必合理賞者令本處就於

橫收贓罰錢內給付如不敷於際留年銷支持錢內補支

相應為此呈奉都堂鈞旨准呈連送刑部依上施行仰關

戶部照會奉此本部除腹裏路分依上施行外處各處行

省宜從都省行移照會相應具呈都省咨請依上施行

捕盜功賞皇慶元年中書省咨刑部呈孫朵文陳言檢會

先欽奉

聖旨內一款節該若有失盜

云云見后失盜類

全免本罪又一款節諸

該人告獲強盜

云云見前獲盜類

應捕人減半欽此切惟



國家法令既明賞罰必信然後事功有成若使捕盜官兵獲賊不沾賞失盜不見罪欲使民安盜息其可得乎今各處捕獲賊人欽依已降

聖旨便合給賞府州縣為係干碍官錢不敢擅支須申上司經由省府等候明降才方支付展轉疏駁虛調歲月捕盜人員任滿離職不復顧問至於失盜賊過遠三限弓手依例斷決捕盜官罰俸鈔任滿給由掩庇失過起數到部之日依驗資品定奪賞罰元彰何由激勸以致巡尉尸位素餐賊多不獲將未滋盛為害非輕以此叅詳今後諸人告捕得獲強盜切賊贓伏已明許令有司隨即支給賞鈔具申

上司驗照其有失過起數違限不獲標附過名任滿解由內開寫在任功過事跡如有隱蔽罪在當該給由官吏到部照依功過黜陟庶望向公者有所勸不職者知所畏境內嚴戢盜賊自息雖提調分揀陳言官議得所言諸人告捕獲強切盜賊贓伏已明有司隨即給賞如失過起數解由內明白開寫驗功過黜陟其言可來合於吏部考功令內一就議擬具呈照詳得此送據本部約會到吏部即中陳中順一月議得孫朶文陳言獲賊給賞公事如准所言今後若有諸人告獲強切盜賊如贓伏明白別无疑似例合給賞者拘該官司隨即於不以其何係官錢內就便支



撥具數申呈合于上司年終通行照美庶使人肯盡心賊盜弭息如有爭差不實罪及當該官司外據捕盜官功過黜陟事理合依已定通例施行相應都省咨請依上施行獲盜遇赦給賞大德七年五月湖廣行省准 中書省咨武昌路申內一項諸人告捕強盜見巡捕條畫第二條至應捕人減半雖有定例不見遇

赦之後追給通例咨請定奪送刑部議得捕獲強切盜賊招伏贓驗是實捉事人賞錢合咨行省照勘明白如無爭差依例追給相應都省准擬咨請依上施行  
事主獲賊無賞至元八年正月尚書省近據樞密院呈備

都元帥也速歹兒呈事主自獲強竊盜賊人亦合依例給賞乞照詳事省府送刑部檢會到中統五年八月內欽奉

聖旨節該見前巡捕條欽此別无事至親獲賊人給賞体例仰照驗

施行

事主獲盜官收賞錢至元九年六月初六日 中書兵刑

部近據大都路未申事主曹禎親獲偷盜伊家并其餘事主馬匹等物賊人郭小二取訖招伏量情刺断了當外據捉事人賞鈔二十五貫若便追付曹禎收管未敢懸便乞明降事省部照得例無事主獲賊給賞体例外據賊人郭小二名下依例追徵合該賞錢數足官為收貯補支其餘



賊人財產不敷賞補合下仰照驗依上施行

捉獲逃驅給賞至元七年四月尚書省近據樞密院呈小東路統軍司呈沿邊巡哨軍人捉獲逃訖人口本主認每名擬令出備鈔一十五兩與捉事人充賞省府移准

中書省咨該今後沿邊巡哨軍人捉獲逃驅如本主識認令本處管民官司估計逃驅實該價錢以五分內擬給一分充賞若無管民官司去處行移鄰近州縣依上估價理賞者省府准此仰通行所屬照會施行

告捕謀反賞例告捕反賊胡王先生等應理賞人為首人徐二劉程補六官雜班叙使為從人孫諒王珪給賞五百

貫外錄判張綱等係應捕人承告不合理賞東平府路司吏袁鑑拿獲事發在外反賊任萬寧 部擬官給袁鑑賞

鈔一千貫 省准擬施行

拿軍裏賊賞例至元二十三年行中書省准 中書省咨至元二十三年正月二十二日准伯顏阿東蒙古文字譯該為庫裏拿住賊人每來的上頭奏呵今後一兩或一錢偷了未的拿住呵他每的媳婦孩兒不揀甚麼諸物拿住來的人要者那般呵拿的也多拿着賊每也改去也者麼道

聖旨了也欽此



民獲依例給賞至元二十七年湖廣行尚書省右丞劄付  
准本省咨該收捕草賊隨處起剽應捕弓兵民義追役賊  
人與軍分路捨命相殺所獲分揀定賊屬人口若不與軍  
一体給付已後無以勸發人心請定奪呈奉尚書省劄付  
來呈本院參詳民義應捕弓兵即與管軍無異擬合依准  
本省左丞所擬相應都省准擬依上施行

### 失盜

失過盜賊責罰中統五年八月初四日欽奉

聖旨條畫內一款節該若有失盜勒令當該弓手立定三限收  
捕每限一月如限內不獲其捕官強盜停俸兩月切盜一  
月外弓手如一月不獲強盜的決一十七下切盜七月兩  
月不獲強盜再決二十七下切盜一十七下三月不獲者  
強盜再決三十七下切盜二十七下如限內獲賊數及一  
半全免本罪

又大德五年十二月二十六日

奏准云云見強切盜賊通例



巡軍捉賊不獲陪贖至元六年十月中書右三部承奉中書省劄付該近為中部盜賊生發就問得巡軍張千戶說稱本管巡軍倉場局院差占一百八十六人又拿獲賊人御史臺教申總管府為此將賊問當不得若將巡軍倉場局院不教占着亦不令管民官差使如拿住賊人依例問了申部呈省依着這般勾當若根捉不獲賊人情願陪償省府議得合准本人所說及於民戶內添設巡軍二百六十一人比及到來先於衛軍內差軍二百名中都應係失盜依

先帝聖旨体例限一年教巡軍每根尋賊人一年不獲只教巡

軍陪償

權官止依捕盜官停俸至元九年四月 中書省劄付該先為刑部呈據益都路申捕盜正官遇有被差暫委餘官兼管其間失過盜賊違限不獲未審停罰何官俸給事送吏部禮 兵刑部講擬回呈移准兵刑部聞該當部公議得縣尉遇有差故合令請俸正官權官捕盜其間失過強切盜賊違限不獲依縣尉合停俸祿鈔數停罰若縣尉并權官失盜月日相換違限止依縣尉俸鈔一十二兩止驗各各該捕月日均罰 都省准呈仰照驗施行 交替捕盜官不停俸至元十年閏六月中書兵刑部為博



州路申荏平縣尉羅旺比承捕限交替代官劉源難同任  
內失盜罰俸事省部議得捕盜不獲失過盜賊未及限滿  
承替既係去官合行勿論其後官亦非界內遠限正合捕  
捉賊人難擬停俸其弓手人等依例斷決相應緣係為例  
事理呈奉 中書省判送准擬施行

軍官捕盜責罰至元三十年二月 中書省准湖廣省咨  
備岳州路申本路同知阿刺瓦丁閔每旬委官約會萬戶  
府官巡禁盜賊失盜令捕盜弓手遠限根捉不獲依例斷  
罰管軍官却不責問實為虛負看詳除縣鎮別無鎮守軍  
官去處路府州郡既鎮守軍官守把城池專一巡警若遇

失過盜賊合令失盜坊巷坐舖軍兵與當該提巡管軍官  
責限捕捉須要限內得獲發付有司歸勘如遠限不獲依  
條斷罰庶望事得歸一盜賊屏息咨請照驗定奪事得此送  
刑部議得若遇失盜賊遠限不獲軍官軍人與捕盜官一  
例責罰都省准

捕盜官到選考跡諸捕盜官如能巡警盡心使境內盜息  
者為上雖有失過起數而限內全獲者為次其因失盜累  
經責罰未獲數多者為下到選之日考其實跡定其陞降  
即南方見有草賊去處若干治有法使盜清民安另議問  
奏陞擢 至元新格



失盜添資降等大德七年十月 江西行省准 中書省  
咨御史臺呈山東道廉訪司申講究到防禁便益送刑部  
議擬到各項事理都省逐一區處咨請依上施行內一項  
捕盜官雖有定例罪賞止是將來任滿照依失過已未獲  
強切盜賊添減資歷陞降品職自前捕限依舊罰俸多係  
勒令當該弓手代替出備罪不加身財不輸已所以不肯  
用心緝捉今後若令本管上司摘委色目正官提調驗失  
過未獲賊徒起數除功過相折外捕盜官不獲強盜一起  
納量斷罪切盜依例罰俸三起之上亦行斷罪解由到部  
依例添資降等庶幾用心捕捉本部會驗大德六年正月

內欽奉

聖旨條畫內一款

見前盜賊通例第十一條

欽此議得近年以來各處捕盜

官吏畏懼不獲賊人罪名往往將失盜事主非理疏駁百  
端披拾故行推諉不即受理追捉致使賊人全無忌憚因  
而滋盛為害愈深今後遇失過盜賊事主告發到官應捕  
官兵人等畫時粘蹤追捉飛申本管上司仍勒須要限內  
全獲正賊違者欽依已降

聖旨條畫責罰斷罪其捕盜官合罰俸給勒令弓手人等代替  
出備者擬同枉法受財定罪相應呈前件依部准擬 開  
寫功過



失盜解由開寫大德八年二月 日 江西行省准

中書省咨湖廣行省咨照得大德五年五月二十五日准  
中書省咨樞密院備都事主毅呈近因發喪還家迴赴大  
都於大德五年正月十一日到東平路東阿縣北值賊二  
人各騎馬匹懸掛弓箭將毅等唱合下馬將元騎馬匹衣  
服鈔物等盡行劫奪告報尉司坐視不以為意及追到本  
縣近日失過盜賊併匿不申報各起數此係經行驛路如  
蒙上司追問究治庶使道路通便具呈照詳都省除外咨  
請照勘未獲強切盜賊起數厘勒軍民捕盜官兵須要得  
獲送官歸勘如是不獲即將捕盜官兵依例取招斷罪仍

取路府縣達魯花赤管民正官常切用心巡警盜賊生發  
但有不嚴驗起數多寡就便約量責罰任滿於解由內開  
寫此已經遍行依上施行外今來本省照得路府州縣管  
民正官總治百姓理斷詞訟辦集錢糧造作供應百色事  
繁中間但有愆期改候俱有責罰定例况江南山林湖泊  
繁多地勢險惡強切盜賊時常有之各處鎮守軍民官兵  
當任其責其路府州縣管轄千百里之間任內強切盜賊  
所不能無如或三限不獲拘該捕盜官兵已有責罰通例  
若驗起數多寡又行責罰路府州縣正官任滿解由內開  
寫是使管民官兩任之間俱有過名其於公勤廉白治効



特異者亦不免於瑕玷以此看詳似涉太嚴莫若今後遇有失過強切盜賊二限不獲照依舊例決罰當該捕盜官兵任滿解由內開寫依例黜降若境內倘有盜賊煽惑聚衆為寇須取路府州縣管民正官撫字不到失於覺察招伏依例責罰任滿解由內開寫如蒙准擬似為相應咨請定奪送刑部議得江南州郡鎮店閩津把隘去處俱有巡捕官兵又撥官兵專一鎮遏各處達魯花赤長官提控捕盜其餘官員所辦事務至重難與職專捕盜人員一例開寫盜賊過名以此參詳如准行者所擬相應都省准擬除外咨請依上施行

失盜決的不罰俸皇慶元年三月 江西行省准  
中書省咨皇慶元年正月十一日野訥院使傳奉

聖旨聽得這周回賊盜多有外頭強盜生發往來行的人每根底百姓每底并官頭口好生偷盜了說有各處捕盜官有在前他每管的地面裏賊盜生發拿不獲呵罰他每俸錢未為這般輕的上來不肯用心捉獲那今後休罰他每俸錢斷決者交合各處行文書者麼道傳

聖旨來欽此已經通行各處欽依施行去後今後刑部呈体却都城裏外時有盜賊生發劫取良民財物至有白晝持伏殺人強取財貨者江淮腹裏支郡亦然究其原由蓋為拘



該捕盜官兵巡警不嚴是致如此若不委官鎮遏恐滋蔓  
為害宜從都省差官分道通歷合屬催督各處官司并本  
道廉訪司官即將見禁輕重罪囚疾早審錄疎決者劃即  
決放合結案者着緊追勘完備擬罪結解毋致淹留枉禁  
具審斷訖各各起數備細呈報若有限外未獲盜賊起數  
當該捕盜官兵從差去官驗其多寡欵依決遣督勒須要  
捕獲牢固送官歸勘提控捕盜正官除受

宣官取招呈省受

勅以下就便的決相應具呈照詳得此皇慶元年二月初三日

奏過事內一件大都週回并各處盜賊多生發的上頭今後  
捕過官拿不獲賊呵林罰俸錢斷決者各處行文書去者  
麼道

聖旨有來俺商量來省臺差人去文都周回地面裏有的罪囚  
催督結案輕囚諭衆斷遣又怠慢拿不獲賊的捕盜官并  
提調官根底交取了招伏受

宣官呈省受

勅以下交他每從權勘酌的斷罪腹裏路分并處各行省裏  
與將文書去交他每選好人與各道廉訪司官一同也交  
依這体例整治呵怎生



奏呵那般者麼道

聖旨了也欵此都省咨請欵依施行

延祐四年六月 江西行省准

中書省咨據所委整治官馬馬中奉等呈奉省札

奏奉

聖旨

云前整治盜賊例

欵此卑職等照得不見捕盜官并親民提調官

不獲強劫盜賊起數漸罪定例誠恐各道所委官區處不一具呈照詳得此送據刑部呈議得各處盜賊生發蓋因當該巡捕并提控捕盜官不為用心以致如此今既

奏奉

聖旨差官整治若不從權斷罪死以軍弊繩奸以此奏詳各處當該捕盜官任內失過盜賊除獲別境准折外如三限不獲強盜三起切盜五起切盜一十五起各決三十七下當該鎮守軍官如與捕盜官一体捕限者同罪親民提控捕盜官減罪二等其限內獲賊及半者免罪相應具呈照詳都省咨請依上施行

格前失盜革撥至大三年十月江西行省准 尚書省咨刑部呈大名路備開州東明縣申張思孝告至大二年九月初三日夜有盜賊五六人將本院後墻推倒入來明火持杖撞開堂門劫訖金銀頭面鈔定等物告乞施行得此



行下開州督勅捕盜官兵根捉前賊去後至大二年十月二十八日欽奉

詔書節該自十月十七日昧爽以前中外罪囚大辟以下已未發覺並從釋免欽此照得此起賊人內有合該結案人數應合捕捉賊徒除初限係十月十七日已前中末二限不獲賊人官兵合無依例斷罰申訖照詳本部議得各處捕盜官兵失遇合捕大辟賊徒三限不行捉獲初限係十月十七日已前中末二限在十月十七日以後若擬依例責罰却緣正賊事發在至大二年十月十七日

詔恩已前其應捕官兵違限罪責合行欽依革撥仍令捕賊

任滿不獲於解由內通行開申依例黜降如蒙准呈通行照會相應具呈照詳都省准呈咨請依上施行

延祐三年六月江西廉訪司奉 行臺劄付准 御史臺

咨延祐二年十一月二十七日合稟通例呈奉 中書省

劄付送刑部議擬到下項事理內一款諸捕盜官不獲盜賊起數罪經原免合死依例照勘黜降前件照得大德九年八月內承奉中書省判送本部呈巡檢王居仁任內失過強切盜賊一十起除已獲外未獲強盜三起切盜五起犯在大德九年二月二十五日

詔赦已前依例革撥呈奉都堂鈞旨准呈仰依上施行承此



今奉前因本部議得捕盜官任內不獲盜賊罪經遇免難議資降等擬合依例革撥相應得此依准部擬仰依上施行

捕盜官身故難議追罰至元七年十月 尚書刑部據益都路申莒州備莒縣申事主趙閏等被盜訖財物為三限不獲賊人取到簿尉孫玉招伏合傳八月俸給本官已行閏支擬候停罰九月分俸鈔間有孫玉於八月初八日身故訖照驗事省部相度簿尉孫玉生前不獲失遇賊徒既已身死難議追罰合下仰照驗施行

追野失盜難議責罰至元十年八月中書兵刑部來申順州年豐南畊地內也速歹兒被盜公事照得被盜去處即係迥野不同應設巡防地面若蒙責罰實緣虛負申乞照驗事得此省部相度依准所申合下仰照驗更為遍下合屬行移鄰境將作過正賊湏要根捉得獲送官依理施行捕殺人賊同強盜罪賞至元十年正月中書右三部為彰德路申李僧住狀告不知何人就本家將母阿任殺死前官縣尉張玉遠記三限不獲正賊得替別無合停俸例除已出給解由求仕乞照驗事省部為此照依舊例殺人者比同強盜擬自今後謀故殺人與強盜一体定立罪賞呈奉到 都堂鈔旨准擬施行奉此仰依上施行



捕歐死人賊同強盜罪賞至元十四年五月 中書兵刑部據大都路申高仲安歐死田哇兒在逃三限不獲取勒定與縣簿尉官違限招伏却稱似難依強盜体例招伏乞照驗事省部相度高仲安歐死田哇兒在逃雖與強盜不同終係干礙人命合下仰照驗更行立限日期於限期內須要捉獲高仲安到官如是違限不獲依例取招責罰施行

捕放火人同強盜罪賞至元七年六月尚書刑部為曹州申捉拏到故燒王准房舍賊人韓温李真普等二名乞於賊人名下徵賞事省部照得欽奉

聖旨并中書省劄付別不該載放火賊人應捕官兵罪賞議得今後故燒官司廨舍私家宅舍賊人比同強盜若無人居止空閑房舍別無財物產畜及田場積聚之物比同竊盜一休定立捕盜官兵罪賞呈奉 尚書省移准中書省咨准擬施行

捕劫墓比強竊盜責罰至元十四年九月中書兵刑部據曹州狀申蒙古與魯總管府牒該帳片察見狀告被賊人劫訖本使黃頭先鋒墓偷訖棺內金銀器物行濟陰縣捉賊徒去後狀申本縣主簿說稱先任平陰縣主簿時被處亦有賊人劫訖尚好倍墳墓奉到上司除免官兵捕限正



合常川捉賊合無依此体例申乞照驗事省部相度凡人  
死歿必須埋藏其子係非營葬不許開發却有死圖之人  
貪切財利盜發丘塚因而損壞棺槨暴露骸骨情理太重  
若不責罰實恐官兵不為用心警捕長盜之源深為未便  
得此議得若有劫墓賊徒已發墳塚者比同切盜開棺槨  
者同強盜殘毀屍首者同傷人其應捕官兵依上決罰似  
為相應呈奉 都堂鈞旨送本部准呈仰照驗施行

刑部卷之十四

典章五十五

詐偽

斷例 四十七 五十七 六十七 七十七 八十七 杖一百一十七 流遠處死

詐傳制書

犯人

詐令旨

犯人

偽造省印勅牒

為首餘人杖斷

詐稱監察

犯人

偽造鹽引

隣首

犯人家產並給付

偽造茶引

未覺

告人充賞

偽造礬引

犯人 比同偽造省部印  
信告捉人賞鈔二定



偽造稅印

但犯

偽造顏色酒託匿稅者亦如之  
並許諸人告捕得實於犯人名  
下徵中統鈔一百貫充賞物主  
知情減犯人罪一等其匿稅之  
物一半沒官於沒官物內一半  
付告人充賞不知情者免罪物  
給元主若捉人擅自脫放減犯  
二罪等受財者與犯人同罪  
同真盜刺斷  
以違  
制論告捕者賞銀一百兩

詐認官物貨賣

偽造歷日

偽造官文書

詐稱母卞

偽造印信

行省令史詐傳省官鈞旨

偽引縣  
從首  
偽引縣  
首

縣印  
從首  
縣印  
首

犯人

偽造  
行省  
印

職官遇革釋免罷役不叙

延祐六年五月  
奏准新例今後對酌勾當輕重兩個死的處死合出軍  
的交出軍同伴當未的對酌他每的罪過比失例加  
三要罪過  
罷役別行求任

詐

〔無官詐稱有官〕益都路申為鄭均詐造到牌用金帝裏做  
金牌作明廉暗察事取得鄭均狀招既是中都路李千戶  
驅口小劉拐帶本使馬一匹根隨前益都不合虛張斌作  
說有

皇帝聖旨又有虎頭金牌前來益都做明廉暗察幹軍民公事  
若有事發先斬後奏如此誘說欲要伊女張花兒為妻因  
張斌道不見

聖旨并虎頭牌不招均為塔以此打到錢牌一面同金帝裏了  
令張斌等覷說誘說與張斌女兒張花兒為塔又不合對



鄒玉孫弼等詐說道有

聖旨并虎頭金牌充益都路明廉暗察扇惑各人酒食又令孫弼虛寫勾當事因又招不合詐說免了鄒玉軍投詐寫

皇帝聖旨裏

塔察大王福蔭裏 安童丞相鈞旨裏軍戶都暗察金牌若  
有事發并公事先斬後奏如此扇惑各人罪犯 法司擬  
除驅口小劉在逃不即送官外詐免鄒玉軍役係輕罪并  
錢作虎符牌與張花兒為塔罪犯若擬偽金牌緣用金帛  
裹着做金牌虛說即係不應為事理合杖八十亦係輕罪  
又招家有

聖旨虎頭金牌充益都路明廉暗察若擬詐為制書別無施行  
文憑止據不合詐稱明廉暗察罪犯舊例詐為官人徒二  
年其鄭均合徒二年部擬量決七十七下 省行下益都  
路歸結

又例 省劄送下行工部呈歸問到濟南軍戶李良招伏  
不合於鈇場內詐稱監察等事 法司擬李良所犯即係  
死官詐稱有官部擬七十七下 省斷六十七下

詐寫天王令旨太原路申歸問到徐謹招伏不合於至元  
五年六月二十五日因與王阿郭先奸後避罪在逃詐寫  
到



阿只吉大王令旨致被張山盤問倒不能抵諱罪犯 法司  
擬舊例詐為官司文書杖一百其餘謹合杖一百 部擬  
七十七下 省准斷訖

詐傳省官鈞旨大德八年十月江南行臺准 御史臺咨  
承奉 中書省劄付來呈行臺咨監察御史問到江西行  
省令史成元邦狀招不合於大德七年九月二十七日因  
為徐幼儀告宗季和遇割田糧等事詐傳省堂鈞旨令童  
興路提腔案牘具呈本路迴避見行司吏不曾斷遇如此  
体例本臺看詳宜令合干部分定擬具呈照詳送刑部議  
得行省令史成元邦所招詐傳行省官鈞旨分付公事情

罪量擬決四十七下罷見彼別行求仕標附相應都省准  
擬仰依上施行

禁詐稱臺奏差至元十六年九月 行御史臺体知得有  
一等不畏公法巧人妄稱行臺按察司官差委察事謀造  
印押詐偽書寫文字煽惑人民取要物錢深為未便合下  
仰照驗用心暗行体察若有似此歹人捉拿得獲牢固收  
禁依理追問如係詐稱行臺妻去劃時申覆照驗更為行  
移合属依上施行

詐稱舍人至元二十二年正月 行御史臺准 御史臺  
咨訪聞追者有不畏公法之人詐為貴勢子弟稱曰舍人



從徒連騎凌脅平民因行姦盜長此不問恐別生非違不  
可以為細事今後在都其兵馬司及外路官司應捕人等  
各宜嚴行緝捉如有違犯之人取問首從招證明白痛行  
懲戒牒發籍貫官司收係施行庶幾小懲而大戒不致長  
惡以病民本臺除外咨請照驗施行

詐稱神降至元二十三年五月湖東道提刑按察司委官  
審斷袁州路宜春縣朱千二招狀不合在家寫榜貼誑稱  
是釋迦老子又號白衣居士詐稱神降妄言禍福扇惑  
鄉民燒香請水議得朱千二為首即與本司斷遇詐稱神  
降胡仕宗一体擬斬六十七下為從朱千八三十七下失

覺察牌頭一十七下

詐騎鋪馬斷例至元三十年五月福建行省據通政院呈  
近據經歷司焦承事呈江西整治站亦至袁州路捉獲詐  
騎鋪馬人劉斌一名解院發下鎮江路審責得招伏係是  
替軍人元充江西轉運司奏差告閑不合至元二十九年  
十二月十四日欲去廣東道尋覓勾當詐稱海北道廉訪  
司奏差偽寫袁州分宜縣水站牒文該賫擊

御寶

聖旨一道起馬一匹至吉州路安福縣倒給印信文字起馬經  
由一十二站詐騎鋪馬閩吏分例罪犯本院移准大都通



通政院咨至元三十年三月初五日

奏過事內一件劉斌小名的漢兒人詐稱廉訪司奏差麼道十二箇站裏騎着鋪馬行的盤問拿住也杖子裏敲自呵怎生麼道奏將來那裏城子裏官人每依体例打合一百七下有麼道俺根底也與將文書來有麼道奏呵那般者麼道

聖旨了也欽此

詐申漂流文卷大德八年三月行臺准 御史臺咨海北海南道廉訪司申瓊州樂會縣盧申大德六年八月十三日戌時巨風大雨潦水泛漲推倒廨宇滄沒本縣文卷九

百一十三宗取到各各招伏除將典史唐有孚司吏吳文惠依招斷罪罷役不叙外據本縣官達魯花赤驢驢縣尹王英簿尉李德用通同高議因風水泛漲將已救獲大德三年至大德六年終已未絕文卷九百一十三宗奉到安撫司旨揮全未施行三十四道妄申洪水漂流一空欺詐上司罪犯全廢一縣事務杜絕照刷原情為重各決四十七下罷職別行求仕緣係為例事理咨請照詳呈奉中書省劄付送刑部議得樂會縣官吏將本縣文卷九百一十三宗并見行文文字隱匿妄申洪水漂流廉訪司追究到官數內數內有干碍盜賊人僉係官錢糧等事已招明白



除典史司吏斷罪罷役外據達魯花赤驢驢縣尹王英簿尉李德用所招各決四十七下解見任降一等叙用相應都省准擬除外仰依上施行

詐雕縣印中書刑部為三义口河渡司歸問到周福陳中山招伏為遺失訖元引周福主意用蘿蔔詐刀鹿邑縣印寫到文引渡河罪犯周福決五十七下陳中山決四十七

下

詐雕省印至元十七年中書省捉獲王容詐雕行省并中書省印信學畫省官押字行省保官咨示賣與無根脚求仕人等偽填

勅牒逐節罪犯取問是實

聞奏過已將為首王容於市曹對衆處斷其餘人等杖決外省府今休知各路府州縣司官并首領官人員多無

中書省照會輒便札任勾當若不取勘是實詐偽不無合下仰照驗速將各處無照會禮任官員取問無照會緣由及將所受

宣勅省札抄連開呈若有似此人員依上呈省無令禮任

詐偽印信延祐六年閏八月江南行臺准御史臺咨

承奉中書省劄付延祐六年五月初二日

奏過事內一件近年以來偽雕假印押字支取錢糧的也有



委付勾當保來的文書也有又合流遠去了的人每教自  
已迴來省麼道行了文書的也有為在先佯那般假雕刻  
印信押字人每的罪過定擬的輕了的上輕不改有又軍  
情勾當裏雕假印押字交行文書呵扇惑百姓若不嚴切  
整治呵不中也者今後斟的勾當輕重一兩個合處死的  
處死合出軍的交出軍同伴來的斟酌着他每的此先例  
罪過加一二等要罪呵怎生奏呵奉

聖旨那般者欽此都省除外合下仰照驗欽依施行

偽

偽造茶引至元二十八年 湖北宣慰使司奉 行中書

省劄付為確茶運司呈奉 都省降到引據條畫榜文內

一款偽造茶引者處死首告得實者犯人家產並付告人  
充賞

偽造鹽引 中書戶部降到鹽引內一款偽造鹽引者皆

斬首告得實者犯人家產並付告人充賞先覺察鄰首杖  
一百

偽造稅印 皇慶二年十月 日江西行省准 中書省咨

戶部呈奉省判本部元呈宣課提舉司申至大二年捉獲



偽雕稅印沈愛帖木兒至大四年捉獲私鰲顏色李德全  
申覆刑部斷決了當別死定到追沒給賞體例得此送戶  
部約會刑部謝正議一同議得匿稅之物告人給賞已有  
通例其偽造稅物雜印私鰲顏色偽稅物貨比之匿稅情  
犯尤重但犯杖八十七下偽造顏色酒記匿稅者亦如之  
並許諸人告捕得實於犯人名下徵中統鈔一百貫充賞  
物主知情減犯人罪一等其匿稅之物一半沒官於沒官  
物內一半付告人充賞不知情者免罪物給元主相應得  
此都省議得若捉事人擅自脫放減犯人罪二等受財者  
與犯人同罪餘准部擬咨請依上施行

偽造物經元貞二年二月 中書省咨准河南行省咨峽  
州路遠安縣太平山無量寺僧人袁普昭自號死碍祖師  
偽造論世秘密經文虛謬凶險刊板印散扇惑人心取訖  
招伏於元貞元年十二月十七日

奏過京南府一個山裏普昭小名的和尚偽造佛經那經裏  
寫自犯

上的大言語有交抄與諸人讀有麼道今夏南京省官人每  
將文書來呵俺

上位奏了差人與宣政院官一同問去來如今問將來也是  
實有和他一處做伴當走第每摠二十四個人那的內二



十一个和尚三个俗人普昭小名的和尚根脚裏造偽經  
來着木頭雕着自己的形像用金粧着正面兒座着左右  
立着神道那裏更有犯

上的難說的大言語又印寫的其間向前做伴當來的两个  
和尚這三个的罪過重有商量來奏呵奉

聖旨獻了者又一个徒弟姓成的和尚別造着偽經說着南京  
迤南有的城子裏這般去也麼道喂有歹言語是赦前有  
打一百七下交流遠去那般怎生麼道奏呵奉

聖旨雖是赦前呵歹勾當有獻了者又這的每外與他每做伴  
當來的十七个和尚三个俗人斟量着人的罪過一百七

九十七八十七七十七打了放呵怎生商量奏呵奉  
聖旨那般者欽此







